

Nefndasvið Alþingis
Efnahags- og viðskiptanefnd
Austurstræti 8-10
150 Reykjavík

Alþingi
Erindi nr. P 141/1968
komudagur 18.3.2013

Reykjavík, 18. mars 2013

Efni: Frumvarp til laga um breytingu á lögum um hlutafélög, lögum um einkahlutafélög og lögum um ársreikninga (kennitölufلاك) -677. mál.

Atvinnuvega- og nýsköpunarráðherra lagði fram á Alþingi 12. mars sl. frumvarp til laga um breytingu á lögum um hlutafélög, lögum um einkahlutafélög og lögum um ársreikninga. Er með frumvarpi þessu leitast við að sporna gegn kennitöluflakki.

Ríkisskattstjóri telur óhjákvæmilegt að gera athugasemdir við 5. gr. frumvarpsins. Með henni er nýrri málsgrein bætt við 126. gr. laga nr. 3/2006 um ársreikninga sem hljóðar svo: *Greiði félag ekki sekt sem lögð er á skv. 3. og 4. mgr. innan 60 daga frá tilkynningu sektarfjárhæðar er ársreikningaskrá heimilt að leggja sektir óskiptar á stjórnarmenn félags.*

Vakin er athygli á að í lagatextanum er ársreikningaskrá **heimilað** að leggja sektir á stjórnarmenn en í greinargerð frumvarpsins segir að „**skuli sektirnar falla óskiptar á stjórnarmenn félagsins**“. Á þessu er verulegur munur og er óhjákvæmilegt að Alþingi ákveði hvor leiðin skuli farin. Bent skal á að hafi ársreikningaskrá heimild til að leggja sektir á stjórnarmenn verður að telja að þá þurfa að boða formlega fyrirhugaða ákvörðun og eftir hæfilegan frest að tilkynna ákvörðunina. Þetta hefur í för með sér verulega vinnu hjá ársreikningaskrá sem væri óþörf ef skýrt kæmi fram í lögnum að sektir féllu til innheimtu á stjórnarmenn að tilteknum tíma liðnum, væri sekt félagsins enn ógreidd.


Þá verður einnig að benda á að orðalag 5. gr. frv. er nokkuð ónákvæmt og til þess fallið að valda ágreiningi. Er hugsunin sú að sektin deilist jafnt á stjórnarmenn séu þeir fleiri en einn eða er ætlunin sú að heildarfjárhæðin sé lögð sameiginlega á alla stjórnarmenn og að unnt sé að ganga að hverjum þeirra sem er vegna solidariskar ábyrgðar á heildarfjárhæð sektarinnar.

Afar mikilvægt er að lög séu sem allra skýrust og framkvæmd þeirra geti gengið fram með sem hagkvæmustum hætti. Því er lögð áhersla á að ekki sé verið að leggja óþarfa vinnu á ársreikningaskrá ekki síst í ljósi afgreiðslu laga um ársreikninga þann 21.02.2013 þar sem kippt var út úr 1. gr. þess frv. ákvæði sem ætlað var að leiðrétta ónákvæma innleiðingu


Evróputilskipunar og hefði haft í för með sér verulega hagræðingu við innheimtu ársreikninga og einnig auðveldað eftirlit með kennitöluflakki.

Ríkisskattstjóri gerir ekki athugasemdir við aðrar greinar frumvarpsins.

Virðingarfyllst,



Skúli Eggert Þórðarson



Skúli Jónsson



Nefndasvið Alþingis
Efnahags- og viðskiptanefnd
Austurstræti 8-10

150 REYKJAVÍK

Reykjavík, 13. mars 2013

Efni: Frumvarp til laga um breytingu á lögum um hlutafélög, lögum um einkahlutafélög og lögum um ársreikninga (kennitölulflakk).

Atvinnuvega- og nýsköpunarráðherra lagði fram á Alþingi 12. mars sl. frumvarp til laga um breytingu á lögum um hlutafélög, lögum um einkahlutafélög og lögum um ársreikninga (kennitölulflakk). Frumvarpið er unnið upp úr greinargerð starfshóps atvinnu- og nýsköpunarráðuneytis sem birtist á vef ráðuneytisins 19. febrúar sl. Það vakti furðu að Samtök atvinnulífsins áttu ekki fulltrúa í starfshópnum sem skipaður var fulltrúum ASÍ, Viðskiptaráðs Íslands, Fjármálaeftirlitsins, hlutafélagaskrár ríkisskattstjóra, Hagstofu Íslands, embættis sérstaks saksóknara auk ráðuneytisins.

Samtök atvinnulífsins mótmæla því harðlega að fyrrnefnt frumvarp verði afgreitt í flýti á síðustu dögum þingsins án þess að hagsmunasamtök þeirra sem við þetta eiga að búa fái að koma að málum.

Samtökin sendu ráðuneytinu athugasemdir við greinargerðina, dags. 21. febrúar sl., þar sem gerðar voru athugasemdir við einstök efnisatriði varðandi breytingar á ákvæðum um kynjakvóta og lagt til að málið fengi mun víðtækari skoðun og sjálfstæða umfjöllun þeirra aðila sem við þetta eiga að búa. Jafnframt gengu samtökin út frá því að aðgerðir vegna kennitölulflakks og skattsvika yrðu ræddar samhliða vinnu á vegum fjármálaráðuneytisins um bætt skil á vörslusköttum og tekjuskráningu, sem SA, ASÍ og embætti ríkisskattstjóra eiga aðild að. Þessi mál öll þarf að skoða í heild eigi tilætlaður árangur um bætt skil á ársreikningum, vörslusköttum og tekjuskráningu að nást. Samtök atvinnulífsins lýsa sig reiðubúin að koma að þeirri vinnu.

Virðingarfyllst,
f.h. Samtaka atvinnulífsins

Alþingi

Erindi nr. P 141/1984

komudagur 19.3.2013

Athugasemdir

Samtaka frumkvöðla og hugvitsmanna

við frumvarp til laga um breytingu á lögum um hlutafélög, ársreikninga o.fl.

Þingskjal 1226-677. mál

lagt fram á fundi með efnahags- og viðskiptanefnd Alþingis 19. mars 2013

Samtök frumkvöðla og hugvitsmanna taka undir nauðsyn þess að setja skorður við kennitölufylki og öðrum fjárglæfrum, enda er slíkt þjóðfélagsmein í beinni andstöðu við starf frumkvöðla sem vinna að nýsköpun og uppbyggingu í þágu samfélagsins. Því ber að fagna heildartilgangi þeirra lagabreytinga sem hér eru á ferð. Mikilvægt er þó að þrengja ekki um leið að starfsemi þeirra viðkvæmu sprota sem eru að hefja starfsemi, og eru því gerðar eftirfarandi athugasemdir:

1. Samtök frumkvöðla leggjast gegn því að lágmarks hlutafé til stofnunar einkahlutafélags sé hækkað úr 500.000 í 750.000 við þær aðstæður sem nú ríkja. Hér er ekki um mikla hækkun að ræða fyrir þá sem hafa næg fjárráð, og því mun þessi aðgerð líklega engin áhrif hafa á þá sem vilja stunda fjárglæfrastarfsemi. Hinsvegar er þessi hækkun verulega íþyngjandi fyrir þá frumkvöðla sem eru að byrja að vinna að sínum verkefnum og hafa lítil sem engin fjárráð. Stuðningsumhverfi þess fólks er allsendis ófullnægjandi og litlir sem engir styrkir í boði þegar fyrstu skrefin eru tekin. Margir eru jafnvel á atvinnuleysisbótum þegar vinna er hafin við verkefni, og því fólki yrði þessi hækkun ofviða. Með því gætu tapast verkefni sem gætu síðar reynst gagnleg til verðmæta- og atvinnusköpunar. Innan Samtaka frumkvöðla og hugvitsmanna eru mörg dæmi um einstaklinga í þeirri stöðu: fólk sem ekki fær neina aðstoð í hinu meingallaða stuðningskerfi og berst í bökkum við að ná endum saman um leið og það vinnur að gagnlegum verkefnum í þágu sinnar þjóðar. Því er lagt til að þetta lágmarkshlutafé verði ekki hækkað fyrr en komið hefur verið betra skikki á málefni frumkvöðla á frumstigi; stjórnvaldsstefna mótuð í þeirra málefnum og styrkjamöguleikar auknir.

2. Nauðsynlegt er að styrkja innviði ársreikningaskrár til að hún valdi því aukna hlutverki sem henni er falið með þessum breytingum. Nýleg dæmi eru um það meðal félagsmanna Samtaka frumkvöðla og hugvitsmanna að á þá hafi verið lagðar sektir fyrir vanskil á ársreikningum sem erfitt hafi reynst að leiðrétta, þrátt fyrir að þeir hefðu í höndum staðfestingu fyrir skilum á réttum tíma. Um leið er tekið undir meginsjónarmið lagafrumvarpsins um nauðsyn á betri skilum ársreikninga.

19.03.2013

f.h. Samtaka frumkvöðla og hugvitsmanna

Samtök frumkvöðla og hugvitsmanna

Skógarbraut 1104, 235 Reykjanesbær s. 862 2345 www.nyhugmynd.com info@nyhugmynd.com

Valdimar Össurason formaður